

卷九

書名 壽昌縣志十二卷首一卷 據乾隆十九年刊本
 鈔
 撰者 清 鍾沛 修, 清 陸銘一等 纂
 卷 卷九
 內容分類 史-地理-今地志-浙江
 索書號 史部-地理-都郡-197
 編號 B2650500

[彩色首頁1](#)

[東洋文化研究所漢籍目錄 編號: B2650500](#)
[東洋文化研究所漢籍目錄所藏漢籍善本全文影像資料庫 索書號: 史部-地理-都郡-197](#)
[漢籍善本全文影像資料庫文本壽昌縣志十二卷首一卷 據乾隆十九年刊本鈔](#)
 版權所有: [東京大學](#) [東洋文化研究所](#)
[使用上的注意事項](#)

壽昌縣志卷之一

歙州府

知府事加六級紀錄九次吳士進
 同知府事加三級史鳳輝

全鑒定

壽昌縣知縣加一級紀錄四次鍾沛王修

壽昌縣儒學教諭攝訓導事陸銘一

請養在籍原任長汀縣知縣邑人方暨謨全編

壽昌縣儒學廩膳生員毛培

建置沿革

封建變而郡縣因時立制沿革靡常年世
 雖遠大畧可考顧變者制也不變者地與

壽昌縣志 卷一 建置沿革

胡仕昂十都

翁宸 清泉人 翰毅 濟荒給冠帶

已上舊志統曰義官

已上舊志已下續增

皇清

方元錦 後街人 乾隆十六年捐銀賑荒 分巡 道憲羅旌以樂善可風 府憲吳旌以

惠周桑 梓匾額

葉榮翰 厚堂人 乾隆十六年捐銀賑荒 道憲 府憲皆給匾旌之

張汝度 桃村人 乾隆十六年捐銀賑荒 府憲吳給匾旌之

壽昌縣志卷之八

壽昌縣志卷之九

嚴州府

知府事加六級紀錄九次吳士進
同知府事加三級史鳳輝 全監全定

壽昌縣知縣加一級紀錄四次鍾沛玉修

壽昌縣儒學教諭攝訓導事陸銘一

請養在籍原任長汀縣知縣邑人方暨謨全編

壽昌縣儒學廩膳生員毛培

貞節

德言容功皆可表見不獨節也而節為尤
烈栢舟兩髦登諸風詩聖人之意可見矣

壽昌小邑頗敦禮教閨門之內以從一著
美者時有其人冰寒桂辛啖苦如飴而表
閭題姓不亦可以風示百世乎志貞節

明

包氏名惟良二都葉亨妻年二十六亨死子女
皆幼包誓不弛適力營婚嫁年八十二卒洪
武元年旌表

胡氏名妙玉八都童文慄妻年二十五夫亡孕
子甫三月守志不移孝奉舅姑育遺腹教之
成立洪武元年旌表

翁氏名妙康七都項言志妻生子彌月夫歿翁
年二十七貞白以終洪武元年旌表

徐氏名妙翊五都王紀妻年二十四紀歿疾
亟時囑令改適徐引刀斷髮孝事舅姑年八
十餘終洪武元年旌表

蔣氏名金二都葉伯玉妻年二十八而寡撫子
成立洪武十七年旌表

吳氏七都項昌妻年二十四而寡辛勤教子克
續夫嗣洪武十七年旌表

李氏名榮十三都協儒童敦妻年二十四夫歿

窮為夫營葬所李求結壙於旁父彥真欲奪其志私許同里蔣武成將逼之嫁李知勢不可過囑舅姑以後事且曰妾死於此父必構訟歸死於家則無患矣泣且拜復至夫塋慟哭而去詭謂其母曰兒失釵母可往卜有一妹復遣令尾母後遂入室自經父怒欲焚其屍而舅姑送衣棺至就斂則釵縛於左股遂收葬焉送者數百人莫不流涕

劉氏名添仁四都李志甯妻年二十四而寡以死自誓父母欲奪而嫁之劉號哭哀懇又託父母之親厚者為言皆莫能止遂為必死計製長幡繪夫及己像於上置於篋中別舅姑而歸父亟召媒妁議婚舉家出迎而劉投舍旁池死矣舅姑逆其屍合葬夫塚宣德元年旌表

李氏三都吳惟宗妻成化間惟宗以父命赴京師省其叔歸卒於杭州李年二十悲其夫道死悼慟不已明年亦死鄉人稱之曰夫死孝婦死節世所罕焉

吳氏名班烏石源徐祺妻年二十九夫亡堂無

舅姑吳熒熒隻身撫孤成立孀居四十餘年卒
請葛氏三都吳翰宗妻年二十六而寡一子幼
稚家遭橫禍顛沛甚氏鎮靜嚴重閨門肅然
家亦賴以不墜年六十二卒

洪氏名惠邑廩生李龍妻年二十六夫歿子幼
家貧紡績供舅姑姑患瘋不能動履洪晨夕
扶持育不潔以手掬之歷十餘年不懈鄉人
稱之

童氏名閨三都吳俸妻年二十七俸亡姑憐其
幼欲嫁之童拔髮為繩繫於手更燃指自誓
紡績教子子為庠生繼食簞乃歎曰吾為未
亡人二十餘年為汝等未成立耳今可以死
矣鬱鬱不食而卒童事姑至孝姑嘗患痢童
親為澡濯不避污嘉靖己亥邑令顧問匾以
貞節

劉氏名鸞六都劉宗悅女徐棟妻年二十四適
夫三月而寡既生一子喜曰吾夫有後吾可
以未死矣孀居三十餘年撫按兩院給匾旌
之

傅氏六都劉伯宣妻年二十九而寡以死自誓生

一子命曰繼宗辛勤鞠育造就外傳繼宗遂為名諸生食餼邑庠傳苦節四十餘年邑令顧問匾旌之

蔣氏名崇翠溪葉季修妻年二十五夫亡誓不再適奉姑孝謹始疾蔣以手掬糞邑令顧問匾旌之

黃氏名娉東門蔣德瑞妻年二十五而寡舅哭子喪明黃焚香籲天舅目復明撫三子俱成立年八十六歲而終當事累旌之

施氏名增東門蔣孟餘妻孕子五月而孟餘歿施年十六不食求死舅姑諭之乃止及生子撫育勤劬竟成立姑患熱症諸藥罔效施號泣於天雷雨作而姑疾瘳年八十四卒


李氏珏堂翁應兆妻明史壽昌李氏年十三受翁應兆聘應兆暴卒女盡取備嫁衣飾焚之以身赴火為父母救止乃赴翁家哀告舅姑乞立嗣復乞一小樓設夫位坐卧於傍莫食相對非姑不接面舅亡家落忍飢紡績以養

姑未幾姑亦亡鄰火大起夜半達旦延百餘家鄰婦趨上樓勸之避李曰此正我授命時

也抱夫木主待焚頭與四面皆燼小樓獨存
萬歷四十年建坊旌表

方氏名蠶市中心洪訪妻年二十二夫卒方撫遺
孤紡績緝織以資衣食舅老疾方奉事惟謹
舅歿喪葬皆如禮熒熒三十餘年人稱節孝
毛氏坊郭人年十七適覺寤葉秉政年二十甫
生子而秉政歿毛上事舅姑下撫幼子敝衣
垢面五十年如一日崇正七年當道給粟帛
獎之

已上舊志已下續增



明

李氏後街方大任妻幼誦女史既適夫勸之力
學大任遂成通儒以選貢入都歿於師李年
二十四無子焚夫遺書將赴火以殉姑力挽
之乃強起剪髮毀容姑病割肉和藥以進其
節孝三十餘年如一日

李氏傳從
府志補

皇清

葉氏後街方兆猷妻年二十九而寡撫三子克
成立卒年八十苦節五十年署邑令劉漢以
節並柏舟匾旌之

方氏市心庠生洪觀妻年二十觀歿一子甫四
歲觀家五世單傳無絲麻袒免親方備嘗艱
險克保遺緒年三十九病將歿謂其子曰吾
力憊矣汝無忘茶苦也子嗣庶補邑庠生人
謂母氏遺澤康熙五十一年邑令張淳以嚙
藥存孤匾旌之

方氏會通橋上蔣錫朋妻年二十二而寡抱胎
五月號泣籲天真得男以延夫嗣既生子撫
之成立讀書娶婦而男復歿遂以夫兄之孫
為男後苦節四十年年六十二卒乾隆元年

旌門 婦洪氏伴姑守志人稱雙節

葉氏後街方允愷妻年二十三而寡夫病劇不
能言惟目葉以手自指其心葉號泣曰吾夫
惓惓我知之矣所不上事姑下鞠子者有如
故日苦節五十餘年乾隆元年

旌門

翁氏後街庠生方允安妻年二十五而寡生子
甫數月翁事舅姑育弱孩難苦備至夫家城
南父家城西居相近每歲時伏臘其弟姪為
酒食邀之翁從容謝曰非大故不歸竄禮也

況未亡人耶苦節五十餘年今八十二歲乾

隆元年

旌門子載文邑廩生

翁氏東門蔣日潤妻年二十九而寡時邑中沿

前明舊例有里長之後日潤克是後憂惶成

疾其母亦羸憊卧病翁奉姑事夫躬親勞瘁

既寡撫二孤克有成立孫曾藩衍乾隆四年

旌門

葉氏陳啓正妻年二十四而寡誓以死守卒年

六十八邑令單銜匾旌之

方氏卽有蕃妻年二十四夫死教子成立卒年

七十二邑令單銜匾旌之

劉氏西門方際雲繼妻際雲與其弟繼盛相繼

亡劉年二十三結褵甫七月其娣已去委幼

女於室際雲先世籍温州居壽昌不數世劉


舅歿姑老別無期功之親單獨無依喟然曰

若我復行方氏不作若教鬼乎誓以死守紡

績事姑鞠孤女擇婿嫁之乞養一子為夫後

訓讀婚娶卒持門戶苦節五十年乾隆四年

旌門子開承邑庠生



蔣氏後街庠生方全瑪妻年二十五而寡無子
以夫兄之子為後訓之成名孝事舅姑妯娌
皆稱之苦節三十餘年乾隆十四年

旌門

翁氏後街庠生方暨諧妻年十九歸暨諧二十
而寡遺腹生男喜曰吾夫有後矣撫孤成立
年三十八病將死張目視姑曰姑幸享遐齡
吾無福也性剛決既寡言笑如常不為蓬垢
狀歲時享祀夫必豐腆淚承於睫終不哭慷
慨勁烈無中慟氣卒以是全其志子傳政邑

庠生

蔣氏清泉翁師華妻年十九歲而寡撫孤成立
苦節四十年卒年五十七

郎氏武口庠生邵賢俊妻年二十八夫歿姑亦
繼亡郎連營二喪殯葬皆如禮時有利其貲
產者欲奪其志郎鞠孤自守克保室家子宏
綬食餼諸生間

洪氏翠坑口庠生葉顯庭妻年二十七夫死矢
志苦節子德裕方襁褓育之成立入邑校人
賢之


蔣氏坊郭庠生吳如湘繼妻如湘前娶無子續娶蔣年二十六夫歿一子甫週歲更有遺腹家貧十指自給撫二孤皆克成立次子肇榆邑庠生

徐氏童源口周朝案妻年二十四而寡生子方二齡矢志撫孤孤士元補博士弟子 府憲吳以冰清玉潔旌之

葉氏交溪李正美妻年二十夫死撫孤自立子國標為邑庠生葉苦節現今三十餘年

葉氏二都邵天淑妻年二十九生二子而夫死上奉姑舅下鞠遺孤皆秉禮法苦節現今三十餘年子維典有名諸生間

翁氏航頭翁爾明女受河村陳際升聘未婚而際升死翁年十九奔赴慟哭遂鬻鬻不歸既而舅姑繼亡夫有弟方二歲翁綜理家事撫叔成立營葬舅姑備嘗艱苦今垂三十年以貞女而兼節孝族黨稱之



壽昌縣志卷之九

壽昌縣志卷之十

嚴州府

知府事加六級紀錄九次吳士進
同知府事加三級史鳳輝

全鑿定

壽昌縣知縣加一級紀錄四次鍾沛主修

壽昌縣儒學教諭攝訓導事陸銘一

請養在籍原任長汀縣知縣邑人方暨謨全編

壽昌縣儒學廩膳生員毛培

仙釋

漢書藝文志有道家言而列神仙於方技
仙者道之別派也釋氏源流隨書經籍志